



საქართველოს გაერთიანებული სახელმწიფოს და სოფლის მეურნეობის მინისტრი

ბრძანება N 2-852

23/10/2018

ქ. თბილისი

გარდაზნის მუნიციპალიტეტის სოფ. ახალი სამგორის მიმდებარედ სასარგებლო წიაღისეულის 81 766 ტონა თიხა-თაბაშირის (გაჯი) მოპოვებაზე სკრინინგის გადაწყვეტილების შესახებ

სსიპ „წიაღის ეროვნული სააგენტოს“ მიერ გზმ-ს ჩატარების საჭიროების დადგენის მიზნით საქართველოს გაერთიანებული სახელმწიფოს და სოფლის მეურნეობის სამინისტროში წარმოდგენილია სასარგებლო წიაღისეულის 81 766 ტონა თიხა-თაბაშირის(გაჯი) მოპოვების (ID-45995) პროექტის სკრინინგის განცხადება.

წარმოდგენილი დოკუმენტაციით დგინდება შემდეგი, რომ სალიცენზიო ობიექტი მდებარეობს გარდაზნის მუნიციპალიტეტის სოფ. ახალი სამგორის მიმდებარედ, გარდაზნიდან ჩრდილოეთით 11-14კმ. სალიცენზიო ობიექტიდან უახლოესი დასახლებული პუნქტი დაშორებულია 550 მეტრით.

გეოსაინფორმაციო პაკეტის თანახმად სალიცენზიო ობიექტი წარმოდგენილია ექვს უბნად, ობიექტის უბნების მიმდებარედ ფიქსირდება მუნიციპალიტეტის ბალანსზე რიცხული გზა, VI უბნიდან 90 მ-ში ფიქსირდება მაგისტრალური გაზსადენი, ხოლო V და VI უბნებიდან 480 მ-ში გადის ბაქო-სუფსის მილსადენი.

სალიცენზიო ობიექტის ფართობია I უბანი 12925 მ², II უბანი 63140 მ², III უბანი 9300მ², IV უბანი 31800მ², V უბანი 51340 მ², VI უბანი 35910მ². საშუალო სიმძლავრე 0.5 მ, მოცულობითი წონა 1,6, გამადნების კოეფიციენტი 0.5.

სალიცენზიო ობიექტის მარაგებია I უბანი 5170ტ, II უბანი 25256ტ, III უბანი 3720ტ, IV უბანი 12720ტ, V უბანი 20536 ტ, VI უბანი 14364ტ მათი ჯამური ანგარიშია 81 766 ტონა.

სალიცენზიო ობიექტი აგებულია მეოთხეული ასაკის ნალექებით. პროდუქტული ფენა წარმოდგენილია თაბაშირის ლინზიებითა და შრეებით, რომლებიც განლაგებულია ქვიშიან-თიხიან და ღორღიან-გრაველიტურ მასაში. პროდუქტული წყება გადაფარულია მცირე სიმძლავრის კაჭარით, ქვიშით, თიხამიწით, ღორღით, ლოდნარითა და ნიადაგით.

სალიცენზიო ობიექტის ტერიტორია შესწავლილი არ არის, მისი დახასიათება მოცემულია რაიონში არსებული თიხა-თაბაშირის საბადოებისა და გამოვლინებების ანალოგიით.

საინჟინრო გეოლოგიური პირობების სირთულის მიხედვით ტერიტორია მიეკუთვნება I (მარტივ) კატეგორიას. ობიექტი წარმოდგენილია ფხვიერი, სუსტად შეცემენტებული ნალექებით; თაბაშირის შემცველი თიხნარებით, წვრილი კენჭნარის ჩანართებით და

დაფარულია ნიადაგის თხელი ფენით. წიაღისეულობის ობიექტის დამუშავება ხდება ღია (კარიერული) წესით.

წიაღისეულობის ობიექტების ტერიტორიის გეოდინამიკური გართულებები მოსალოდნელი არ იქნება. ლიცენზიის გაცემამდე გზის სიახლოვეს და ობიექტის დამუშავების საკითხი უნდა შეთანხმდეს ადგილობრივ თვითმმართველობასთან.

სალიცენზიო ობიექტის დამუშავების დროს წარმოქმნილი ნარჩენების და ხმაურთან დაკავშირებული საკითხები არ არის წარმოდგენილი.

ვინაიდან აღნიშნული სალიცენზიო ობიექტი 6 უბნად არის წარმოდგენილი და დიდი ფართობი უკავია შესაბამისად კუმულაციური ზემოქმედება იქნება მოსალოდნელი.

თიხა თაბაშირის(გაჯი) ქიმიური შემადგენლობაა: CaSO_4 23-56% (საშუალო- 40%), $\text{CaSO}_4 \cdot 2\text{H}_2\text{O}$ 29-70% (საშუალო 50 %), ქვარგვალეების რაოდენობა 0,0-30% (საშუალო 12%).შესაბამისად ღია კარიერული წესით მოპოვების დროს მოსალოდნელია ატმოსფერული ჰაერის დაბინძურება და ატმოსფერულ ჰაერში მავნე ნივთიერებების გაფრქვევა.

სალიცენზიო ობიექტის დამუშავების დროს ხდება ნაყოფიერი ფენის მოხსნა და შესაბამისად მოსალოდნელია ნიადაგზე ზემოქმედება. მოხსნილი ფუჭი ქანების განთავსებისთვის ტერიტორია არ არის წარმოდგენილი.

ვინაიდან აღნიშნული სალიცენზიო ობიექტის მოპოვების ადგილის ზედაპირი დიდ ფართობზეა წარმოდგენილი 20, 4415 მ² შესაბამისად ობიექტი გამოიწვევს გარემოს სხვადასხვა კომპონენტებზე ზემოქმედებას და გამომდინარე აქედან საქმიანობის შედეგად მოსალოდნელია გარემოზე მნიშვნელოვანი ზემოქმედება.

ზემოაღნიშნულიდან გამომდინარე დგინდება, რომ მიღებულ იქნეს სკრინინგის გადაწყვეტილება, გარდაბნის მუნიციპალიტეტის სოფ. ახალი სამგორის მიმდებარედ სასარგებლო წიაღისეულის 81 766 ტონა თიხა-თაბაშირის (გაჯი) მოპოვება დაექვემდებაროს გარემოზე ზემოქმედების შეფასებას.

ზემოაღნიშნული კრიტერიუმების გათვალისწინებით, „გარემოსდაცვითი შეფასების კოდექსის“ მე-7 მუხლის მე-6 ნაწილის და ამავე კოდექსის II დანართის 2 პუნქტის 2.1 ქვეპუნქტის საფუძველზე

ვ ბ რ ძ ა ნ ე ბ:

1. მიღებულ იქნეს სკრინინგის გადაწყვეტილება, სსიპ „წიაღის ეროვნული სააგენტო“-ს მიერ გარდაბნის მუნიციპალიტეტის სოფ. ახალი სამგორის მიმდებარედ სასარგებლო წიაღისეულის 81 766 ტონა თიხა-თაბაშირის(გაჯი) მოპოვებაზე გარემოზე ზემოქმედების შეფასებისადმი დაქვემდებარების შესახებ;

2. სასარგებლო წიაღისეულის ლიცენზიის მფლობელი ვალდებულია უზრუნველყოს „გარემოსდაცვითი შეფასების კოდექსის“ მე-8 მუხლით დადგენილი სკოპინგის პროცედურის გავლა;
3. ბრძანება დაუყოვნებლივ გაეგზავნოს სსიპ „წიაღის ეროვნული სააგენტოს“;
4. ბრძანება ძალაში შევიდეს სსიპ „წიაღის ეროვნული სააგენტოს“ მიერ ამ ბრძანების გაცნობისთანავე;
5. სკრინინგის გადაწყვეტილების გაცემიდან 5 დღის ვადაში აღნიშნული გადაწყვეტილება განთავსდეს სამინისტროს ოფიციალურ ვებგვერდზე და გარდაბნის მუნიციპალიტეტის აღმასრულებელი ორგანოს და წარმომადგენლობითი ორგანოს საინფორმაციო დაფაზე;
6. ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. N6) მხარის მიერ მისი ოფიციალური წესით გაცნობის დღიდან ერთი თვის ვადაში.

ლევან დავითაშვილი



მინისტრი